


PROGRAM INOVASI JANM 2020

Tahun 2020 merupakan tahun yang mencabar dan luar biasa kerana pelaksanaan aktiviti inovasi telah terkesan dengan penularan pandemik Covid-19. Terdapat aktiviti inovasi JANM yang telah dirancang perlu dilihat semula dan terdapat aktiviti yang telah dibatalkan bagi mematuhi SOP Perintah Kawalan Pergerakan (PKP).

Sebanyak 12 aktiviti inovasi telah dirancang untuk dilaksanakan sepanjang tahun 2020. Walau bagaimanapun, hanya sembilan (9) aktiviti yang dapat dilaksanakan. Tiga (3) aktiviti yang tidak dapat dijalankan adalah lawatan inovasi, ceramah motivasi dan Majlis Sambutan Hari Inovasi dan Integriti JANM. Sembilan (9) aktiviti inovasi JANM tersebut telah dilaksanakan dengan mengamalkan norma baharu serta mematuhi SOP yang telah ditetapkan.

Rajah 1 : Kalendar Inovasi JANM Tahun 2020

KALENDAR AKTIVITI INOVASI 2020



Pertandingan Mencipta Tema Inovasi

Pertandingan ini diadakan pada setiap dua (2) tahun bertujuan untuk mencungkil bakat dan idea kreatif daripada warga JANM bagi mengantikan tema inovasi sedia ada iaitu ‘Pertingkat Inovasi Terokai Transformasi Kuasai Globalisasi’. Pertandingan ini telah dijalankan pada 1 hingga 30 Jun 2020.

Jadual 1 : Senarai Pemenang Pertandingan Mencipta Tema Inovasi

Kedudukan	Nama Pemenang	JANM Bahagian/Negeri/Cawangan	Tema
Pertama	Puan Kamisah binti Idris	JANM Pahang	Inovasi Digital Pemacu Prestasi Unggul
Kedua	Encik Ariff Anwar bin Abdul Rahim	BPPP	Revolusi Inovasi Meneraju Perakaunan Digital
Ketiga	Puan Haslindah binti Abdul Hassan	JANM Sandakan	Kuasai Inovasi Realisasi Transformasi Teknologi Digital

Jawatankuasa Pemandu Inovasi JANM telah bersetuju untuk mengguna pakai tema pemenang pertama pertandingan ini iaitu ‘Inovasi Digital Pemacu Prestasi Unggul’ berkuat kuasa mulai Januari 2021.

Pertandingan Mencipta Lirik Lagu Jabatan

Pertandingan Mencipta Lirik Lagu Jabatan telah diadakan pada 1 hingga 30 Jun 2020. Pertandingan ini dianjurkan sebagai sokongan kepada aktiviti *rebranding* JANM. Kriteria Penilaian Pertandingan ditetapkan berdasarkan kriteria berikut:

1. Keaslian Lirik
2. Konsep dan Format
3. Kreativiti
4. Nilai Komersial

Pertandingan ini telah diadili oleh panel juri dari RTM, ASWARA dan Fasha Entertainment. Encik Muhammad Yusri bin Abd Majid dari BPPP telah memenangi pertandingan ini dengan lirik lagu bertajuk ‘Profesionalisme Unggul’.

Pertandingan Menulis Artikel Inovasi Dan Integriti

Pertandingan ini diadakan pada setiap tahun bertujuan untuk membudayakan dan menyemarakkan bakat penulisan kreatif berkaitan inovasi dan integriti di kalangan warga JANM. Pertandingan telah diadakan bermula pada 4 Jun hingga 4 September 2020. Senarai pemenang pertandingan adalah seperti berikut:

Jadual 2 : Senarai Pemenang Pertandingan Menulis Artikel Inovasi Dan Integriti

Kedudukan	Pemenang	JANM Bahagian/ Negeri/Cawangan	Tajuk Artikel
Pertama	Encik Ahmad Muhyiddin bin Hashim	BA MOF	Inovasi dan Integriti Teras Kemajuan Malaysia Madani
Kedua	Puan Gloria Angela James Noah	BPOPP	Kreatif dan Inovatifkah Saya
Ketiga	Encik Muhammad Faris bin Abd Rasid	BPTM	Inovasi dan Integriti Corak Transformasi Masa Depan Negara Maju

Artikel-artikel pemenang ini telah dimuat naik ke Portal *Knowledge Management* JANM untuk perkongsian dengan semua warga.

Sesi Perkongsian Teknik Menulis Artikel

Sesi Perkongsian Teknik Menulis Artikel telah diadakan pada 27 Julai 2020 secara dalam talian. Seramai 48 peserta dari wakil Bahagian JANM telah hadir ke sesi ini. Penceramah jemputan adalah Puan Sofia binti Sofee yang merupakan pemenang Pertandingan Menulis Artikel Inovasi dan Integriti Tahun 2019. Tujuan perkongsian ini diadakan adalah untuk mengasah dan mempertingkatkan kemahiran penulisan kreatif warga JANM serta menterjemah dan mendokumentasi idea-idea inovasi dalam bentuk penulisan.

Pertandingan Keceriaan Tangga

Pertandingan Keceriaan Tangga diadakan bertujuan untuk menceriakan ruang tangga di Ibu Pejabat yang secara tidak langsung diharap dapat meningkatkan penggunaan ruang tangga di kalangan warga JANM. Pertandingan ini diadakan bermula pada 21 Julai hingga 24 September 2020 dengan penyertaan dari sembilan (9) Bahagian Ibu Pejabat dan tiga (3) Persatuan. Kriteria Penilaian Pertandingan ditetapkan seperti berikut:

1. Persembahan
2. Hiasan
3. Persekutaran

Jadual 3: Senarai Pemenang Pertandingan Keceriaan Tangga


Kedudukan	Bahagian
Pertama	BPPP
Kedua	BA MOF
Ketiga	BPOPA



Antara Peserta Yang Terlibat Dalam Pertandingan Keceriaan Tangga

Pertandingan Mencipta Poster Infografik SPECIAL

Bagi menyemarakkan dan membudayakan Nilai Bersama JANM SPECIAL di kalangan warga, pertandingan mencipta poster infografik SPECIAL telah dianjurkan. Infografik ini seterusnya akan dijadikan sebagai salah satu bahan promosi pembudayaan SPECIAL. Pertandingan ini telah diadakan bermula dari 24 Julai hingga 14 Ogos 2020.



Poster Tempat Pertama Oleh Puan Nurul Aida Binti Mohamed Amin
Dari JANM Pulau Pinang

Poster Tempat Kedua Oleh Encik Amirul Hakim Bin Adlin Dari BPPP

Poster Tempat Ketiga Oleh Encik Mohd Firdous Bin Suparnon Dari JANM Sri Aman

New Normal JANM Virtual Run 2020

New Normal JANM Virtual Run 2020 telah diadakan pada 21 Ogos hingga 21 September 2020. Larian secara maya ini dianjurkan kerana ia lebih fleksibel dan peserta boleh membuat larian pada bila-bila masa mengikut kesesuaian masa peserta dalam jangka masa yang telah ditetapkan oleh pengajur. Pemenang pertandingan ditentukan berdasarkan peratus (%) penyertaan tertinggi dari Bahagian dan JANM Negeri/Cawangan yang telah berjaya menamatkan larian. Senarai pemenang pertandingan ini adalah seperti di Jadual 4.

Jadual 4 : Senarai Pemenang New Normal JANM Virtual Run 2020

Kedudukan	JANM Bahagian/Negeri/Cawangan
Pertama	JANM Kapit
Kedua	JANM Selangor
Ketiga	BPOPP



Antara Peserta Yang Terlibat Dalam Pertandingan Larian Inovasi

Pertandingan Idea Inovasi

Pertandingan Idea Inovasi diadakan bertujuan untuk mendapatkan idea menarik berkaitan inovasi dari semua warga JANM. Pertandingan ini diadakan pada setiap tahun. Sebanyak 16 penyertaan telah diterima oleh urus setia pertandingan. Tempoh pertandingan bermula dari 6 Julai hingga 31 Ogos 2020. Idea inovasi yang dicadangkan akan dipertimbangkan oleh Jawatankuasa Inovasi JANM untuk dilaksanakan.

Jadual 5 : Senarai Pemenang New Normal JANM Virtual Run 2020

Kedudukan	Nama Pemenang	JANM Bahagian/ Negeri/Cawangan	Idea Inovasi
Pertama	Encik Chong Chun Yen	JANM Sarawak	e-Aktiviti ROAR!
Kedua	Encik Mohd Nor bin Mohidin	JANM Johor	Buku Log Kenderaan Secara Atas Talian (Online)
Ketiga	Puan Rosliah Sigoh	JANM Sabah	Aplikasi MyPortfolio

Ceramah Inovasi

Ceramah inovasi bertajuk ‘Pembangunan Inovasi Modal Teroka’ telah diadakan pada 14 September 2020 dan disampaikan oleh Encik Shahril Anas Hasan Aziz, Ketua Pegawai Eksekutif dari syarikat MAVCAP. Ceramah ini telah dihadiri oleh seramai 100 orang warga Ibu Pejabat JANM dan dipancarkan ke semua JANM Negeri/Cawangan secara *live streaming*.



Encik Shahril Anas Ketika Menyampaikan Ceramah Inovasi



Antara Warga Yang Hadir Ke Ceramah Inovasi

Bengkel Kumpulan Kreatif Dan Inovatif (KIK)

Bengkel KIK telah diadakan pada 24 hingga 25 November 2020 secara dalam talian. Jumlah penyertaan adalah seramai 168 orang yang terdiri daripada wakil Bahagian, JANM Negeri dan Cawangan. Penceramah bengkel adalah Encik Ramlee bin Musa, Penolong Kanan Pengarah Kastam II. Bengkel ini diadakan bertujuan untuk memberi pendedahan dan persediaan kepada semua pegawai yang terlibat dengan KIK di Bahagian, JANM Negeri dan Cawangan.